



Page: 16

Reach: 50000

Country: BOSNIA AND HERZEGOVINA

Size: 212 cm2

1 / 1

Nakon hapšenja u akciji kodnog naziva „Rebus“

Danas odluka o pritvoru za Mrkvu i Ćapina

Tužilaštvo će predložiti da se osumnjičenima Erminu Špilji, Adisu Biberoviću i Arifu Malićiju odrede mjere zabrane napuštanja boravišta

Adnan Mrkva, vlasnik lanca čevabdžinica „Mrkva“, te Amel Ćapin, Ermin Špilja, Adis Biberović i Arif Malići, koji su prekjucher uhapšeni u akciji kodnog naziva „Rebus“ Državne agencije za istrage i zaštitu (SIPA), saslušani su jučer u sarajevskom tužilaštvu, potvrdio nam je Alem Hamzić, portparol Tužilaštva KS.

Kako nezvanično saznajemo, postupajući tužilac Senad Osmić danas će predložiti da se osumnjičenima Mrkvi i Ćapinu odredi jednomjesečni pritvor zbog mogućnosti bijega, jer imaju državljanstvo SAD, zbog bojazni da bi mogli ponoviti i dovršiti krivična djela te zbog uzne-



Privođenje osumnjičenog Mrkve na saslušanje (Foto: S. Saletović)

mirenja javnosti.

Također, Tužilaštvo će predložiti da se Špilji, Biberoviću i Malićiju odrede mjere zabrane napuštanja

mjesta boravišta. Sjednica na kojoj će se pred sudijom za prethodni postupak raspravljati o prijedlogu za određivanje pritvora bit će

održana danas.

Inače, ova akcija je pripremana više mjeseci, a u nju su, osim istražitelja SIPA-e, bili uključeni i inspektori Porezne uprave FBiH. Tužilaštvo je tokom istrage došlo do saznanja da postoji sumnja da su osumnjičeni utajili porez u iznosu od 5.532.287,99 KM od 1. januara 2011. do 12. oktobra 2015. godine.

Novac koji je trebao biti uplaćen u budžet osumnjičeni su koristili za otvaranje novih ugostiteljskih objekata, renoviranje postojećih, kupovinu repromaterijala za čevabdžinice, mesa i somuna te isplatu plaća radnicima van legalnih finansijskih tokova. **Ad.A.**